

感症鑑筏

增春署簽

中華民國元年正月付印
中華民國元年三月出版

感症寶筏每部八冊
定價大洋一元二角

著者 歸安 吳貞

重訂者 山陰何炳元

印刷者 浙東印書局
紹興清風弄口

總發行所 明強書藥局
紹興清風弄口



分售處

紹興大城街 墨潤堂書莊
紹興大城路 奎照樓書莊

教育館

濕症 合參

張司農謂暑邪之害甚於寒。因作暑症全書濟世。竊以爲濕邪之害更有甚於暑者。蓋盛暑之時必兼濕。而濕盛之時不兼暑。暑邪止從外入而濕邪兼乎內外。暑邪爲病驟而易見。濕邪爲病緩而難知。凡處澤國水鄉者。於濕症尤宜加察焉。如外感之濕着於肌表者。或從雨霧中而得。或從地氣潮濕中而得。或上受。或下受。或徧體均受。皆當以解肌法微汗之。兼風者微微表散。兼寒者佐以溫藥。兼熱者佐以清藥。此外受濕邪之治也。如内生之濕留於藏府者。乃從飲食中得之。凡膏粱酒醴甜膩厚味及嗜茶湯瓜果之類。皆致內濕。治法不外上開肺氣。下通膀胱。中理脾陽爲治。然陽體多成濕火。而陰體多

患寒濕。又當察其體質陰陽。爲治用藥之法。當以苦辛寒治濕熱。苦辛溫治寒濕。概以淡滲佐之。甘酸膩濁之品。在所禁用。前太陰新法。內已陳濕邪之概。茲特參濕邪之兼症。而以表裏三焦分治焉。若夫濕邪變幻之態。爲病非一。當以雜症各門求之可也。

凡脾虛多中濕。一身盡痛。爲濕有表有裏。有濕熱有寒濕。有風濕。

濕痺

痺者痺着不去也

論曰。太陽病。關節疼痛。而煩脈沉而細者。此名中濕。亦曰濕痺。其候小便不利。大便反快。但當利其小便。此宜五苓散主之。發黃加茵陳。

風濕

病者。一身盡疼。發熱日晡劇者。此名風濕。此病傷於汗出當風。或久。

病取冷所致也。可與麻黃、杏仁、米仁、甘草湯。又曰：風濕脈浮，身重汗出惡風者，防已黃耆湯主之。

風濕相搏，一身盡疼，法當汗出而解。值天陰雨不止，醫云：此可發汗。汗之痛不愈者，何也？蓋發其汗，汗大出者，但風氣去，濕氣在，故不愈也。若治風濕者，發其汗，但微微似欲汗出者，風濕俱去也。

頭中寒濕

濕家病，身疼發熱，面黃而喘，頭痛，鼻塞而煩，其脈大，自能飲食，腹中和無病，病在頭中寒濕，故鼻塞，納藥鼻中則愈。（用香瓜蒂一味爲末，吹鼻中，黃水立下則愈。）

濕家下之，額上汗出，微喘，小便利者死。若下利不止者，亦死。

以上述金匱

表濕

關節疼痛。脈浮而濡。四肢痿弱。此濕邪在表也。小便利者。桂枝湯加川羌白朮等。微汗之。小便不利者。五苓散加減。

中濕

若關節重痛。浮腫喘滿。腹脹煩悶。昏不知人。脈沉而緩。或沉而細。此名中濕。宜升陽除濕湯。或白朮酒。

破傷濕

有破傷處。因澡浴。濕氣從瘡口入。其人昏迷沉重。狀類中濕。名破傷濕。宜白朮酒。

濕熱

脉濡細而數發熱身痛小水短濇或身目俱黃屬濕熱症宜五苓散加生梔黃柏茵陳秦朮

寒濕

脈沉遲而濡身無熱但吐瀉口不渴小水清利身痛重着或手足腫痛者爲寒濕宜分滲兼溫中胃苓湯加炮薑木瓜重者加附子

按論云濕家其人但頭汗出背強欲得被覆向火者此寒濕也又云傷寒八九日風濕相搏身體疼痛不能自轉側不嘔不渴脈浮虛而濇者桂枝附子湯主之亦風濕兼寒也

風濕

脈浮身重不能轉側自汗或額上多汗此乃先傷於濕又冒風所致宜微汗之漬漬然似欲汗者風濕俱去矣大羌活湯二活知母防己白芷白朮當歸川芎

濕痰

脈沉緩而滑四肢流注或項背強恆見於肥白人屬濕痰宜二陳二朮桂枝羌活等加減脾胃受濕則沉困無力怠惰好睡須二朮爲君上部濕蒼朮最烈下部濕升麻提之外濕宜表散內濕宜滲泄濕盛身痛羌活勝濕湯平胃散之類風濕相搏一身盡痛自汗者防己黃耆湯濕盛身痛小便不利體重發渴者五苓散加川羌一倍煎服妙

以上諸條參治法彙

濕着肌表

如發熱身痛、腕悶不渴、舌胎白膩、或汗出不解、此濕邪着於肌軀之表也。宜解肌滲濕。如桂枝、秦艽、紫蘇、二陳、厚朴、薑皮、茯苓皮之類。

濕留氣分

凡發熱身痛、汗出則解、繼而復熱、脈來濡緩、舌胎白膩、此濕邪阻於氣分。熱自濕中來。徒用清熱藥不應。宜茯苓皮、大腹皮、滑石粉、黃芩、通草、半夏、豬苓之類、以逐氣分之濕熱自除矣。

太陰濕伏

凡身體沉重、不能轉側、四肢乍冷、目黃、脘痞、自利、語言欲蹇者、此濕

邪。伏。於。太。陰。以。致。脾。陽。不。運。而。然。也。宜。健。脾。兼。分。利。茅。朮。厚。樸。茯苓。皮。草。薢。菖。蒲。廣。皮。木。瓜。澤。瀉。之。類。
如。口。內。生。疳。而。仍。不。渴。者。此。濕。滯。於。中。氣。蒸。於。上。也。治。在。氣。分。茅。朮。米。仁。猪。苓。澤。瀉。廣。皮。桔。梗。寒。水。石。之。類。
如。痞。結。胸。滿。飲。食。不。進。舌。黃。微。渴。此。濕。熱。傷。脾。也。宜。瀉。心。法。半。夏。茯苓。川。連。厚。樸。茅。朮。通。草。之。類。

濕熱內結

如。寒。熱。腹。滿。小。便。不。利。此。濕。熱。內。結。也。宜。走。瀉。清。熱。茅。朮。赤。小。豆。茵陳。茯苓。皮。厚。樸。黃。柏。澤。瀉。之。類。

酒濕傷胃

脘中食阻。痛而嘔吐。或目色金黃。此酒濕傷胃所致。宜以苦辛寒爲治。半夏、枳實、薑汁、黃連、豆豉、茵陳之類。

濕兼痧穢

穢濕從口鼻吸入。則膜原先受。分布營衛。先嘔逆。次寒熱。頭脹身痛。小便不通。舌胎白膩。渴不多飲。當以芳香淡滲兼施。俾穢濕濁邪可以分消。宜廣皮、藿梗、鬱金、茅朮、米仁、茯苓皮、豬苓、大腹皮、石菖蒲、通草等。

濕熱兼穢

暑濕兼穢。氣多從口鼻觸入。濕由膜原以走中道。踞膜原則寒熱交作。走中道則不食不飢。口渴舌黃。胸痞腹脹。治宜清熱開鬱兼芳香。

逐穢。梔鼓湯。加藿香、川鬱金、白朮、枳實、製連、萸皮、桔梗之類。若小水不利，加赤小豆、赤茯苓之類。腹脹甚，加厚樸、大腹皮。

濕熱爲痺

外受濕熱之邪，內進甜膩之物，則濕聚熱蒸，蘊於經絡，寒戰熱熾，骨節煩疼，舌胎灰膩，面目痿黃，此濕熱入於經絡爲痺也。濕家忌汗，宜苦降辛通爲治。防已、杏仁、滑石、半夏、米仁、連翹、山梔、野赤豆皮、路路通之類。

更有暑濕風邪混雜，阻於氣分，氣不主宣，右肢若廢，頭脹胸痞，法當通陽驅邪。用杏仁三錢、生米仁三錢、桂枝五分、厚樸一錢、半夏一錢、五分、漢防已一錢、五分、白蒺藜二錢、片薑黃一錢。

三焦濕鬱

發熱後神識漸昏。小腹硬滿。大便不下。此暑濕氣蒸而瀰漫。三焦乃諸竅阻塞之兆。氣分結邪。忌用滋膩。須桂苓甘露飲法。宜茯苓猪苓滑石塞水石。晚蠶沙。皂莢子去皮。以上參葉案。

濕溫

夏月頭疼。妄言自汗。身不甚熱。兩脛逆冷。四肢沉重。胸腹多痞而滿。其人先傷於濕。因而中暑。其脉陽濇而弱。陰小而急。不可發汗。汗之名重。喝必死。汗多者。白虎湯加桂枝。汗少者。白虎湯加蒼朮。或概用蒼朮白虎湯。述古

按濕溫症。因長夏每多陰雨。得日氣煦照。則潮濕上蒸。襲人肌表。着於經絡。則發熱。頭脹。身痛。足脛痛。舌胎白膩等症。重者兼感時邪。不正之氣。卽爲濕溫疫症。

邪入氣分

暑濕之邪。阻於肺。必咽痛。發熱。身痛。舌胎黃厚粘膩。煩渴不解。當

上焦如連翹、桔梗、滑石、射干、米仁、馬勃、通草、淡竹葉、銀花、蘆根之類。
如見身發斑疹、舌黃、燥厚、當涼膈、疏斑如連翹、薄荷、生梔、石膏、牛蒡、
杏仁、枳實、黃芩之類。

邪乘胞絡

濕溫之邪乘於胞絡則神識昏呆、發熱身痛、四肢不暖、舌胎鮮紅、燥
刺者宜解手厥陰之邪如犀角尖、連翹、石菖蒲、川鬱金、元參、赤小豆、
西黃之屬主之。

邪入營分

如濕溫之邪入於血絡、舌胎中黃、邊赤、發爲赤斑、丹疹、神昏、譫語、宜
清疏血分、以透斑、佐芳香、逐穢、以開閉、犀角、連翹、赤芍、銀花、牛蒡、菖

蒲鬱金、元參、薄荷、人中黃之類。

邪阻上焦

病起發熱、頭脹漸至耳聾、喉痛欲閉、鼻中衄血。此邪混氣分之象。在上焦空虛之所。非苦寒直達胃中之藥可以治病。不能卽解。卽有昏瘖之變。宜輕清理。上爲治。如連翹、馬勃、牛蒡、銀花、射干、白金汁。如見呃忒、加枇杷葉、竹茹。以上參葉案。

附暑濕穢合邪論

凡暑月淫雨之後、日氣煦照、濕濁上騰。人在濕熱蒸騰中、感之則暑濕交受、兼溷穢濁之氣。人中之卽痧毒也。夫人之正氣一虛、暑濕穢濁之邪俱從口鼻吸入、流布三焦。上乘於心、爲中痧。中入於胃、爲霍